

## Набий алайҳиссаломнинг видолашув ҳажида қилган хутбалари



11:09 / 12.04.2020 3408

يٰۤاَيُّهَا الَّذِيْنَ اٰمَنُوْا اذْكُرُوْا نِعْمَةَ اللّٰهِ عَلَيْكُمْ الّٰتِيْ كُنْتُمْ اَوْصَافًا لَّهَا اَلْوَقْتُ الَّذِيْ جَعَلْتُمْ سُلُوْلًا لَّكُمْ اَنْ تَكُوْنُوْا كَالَّذِيْنَ نَسِيتُمْ اٰيَاتِ اللّٰهِ الّٰتِيْ جَعَلَتْ اَوَّلَكُمْ اٰمَنًا وَّاٰخِرَكُمْ اٰمَنًا وَّجَعَلَتْ لَكُمْ اٰيَاتٍ لِّتَذَكَّرُوْا

Абу Умома розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг видолашув ҳажида хутба қилиб:

«Аллоҳга тақво қилинглар. Беш (вақт намоз)ингизни ўқинглар, (Рамазон) ойингиз(нинг рўзаси)ни тутинглар, молларингизнинг закотини беринглар ва ишбошингизга итоат этинглар, Роббингизнинг жаннатига кирурсиз», деганларини эшитдим».

Маълумки, видолашув ҳажи Пайғамбаримиз соллаллоҳу алайҳи васаллам умрларининг охирида бўлган. Ўша ҳажда у зот ҳамма билан видолашганлар, «Эҳтимол, бу йилдан кейин сиз билан учрашмасман», деганлар.

Дарҳақиқат, Расули акрам соллаллоҳу алайҳи васаллам ўша ҳаждан кейин вафот этдилар. У зот ана шу видолашув ҳажида кўплаб пурмаъно ваъз-насиҳат, хутба ва васиятлар қилганлар. Ушбу ҳадисда ҳам улардан айримлари айтилмоқда.

Пайғамбаримиз соллаллоҳу алайҳи васаллам умматларига хитоб этиб:

«Аллоҳга тақво қилинглр»;

«Беш (вақт намоз)ингизни ўқинглр»;

«(Рамазон) ойингиз(нинг рўзаси)ни тутинглр»;

«Молларингизнинг закотини беринглр»;

«Ишбошингизга итоат қилинглр»;

«Роббингизнинг жаннатига кирурсиз» дедилар.

Инсоннинг жаннатга кириши учун адо этиши зарур саналган ана ўша нарсалар ичида намознинг биринчи бўлиб зикр қилиниши унинг қанчалик аҳамиятли ибодат эканлигини кўрсатмоқда.

**«Ҳадис ва ҳаёт» китобидан**